

發熱

瘡疹發熱與傷寒相似但傷寒只見一經形證若瘡疹則面燥腮赤呵欠頓悶乍涼乍熱多睡咳嗽噴嚏驚悸吐利手足稍冷骭涼耳涼也然發熱者瘡疹常候也不可盡除之但熱微毒亦微熱甚毒亦甚

初

初發熱時精神清爽唇鼻滋潤更無他證者此熱在表其瘡必疎不須施治 初發熱時渾身壯熱焯焯

然不渴清便自調此邪在表拂鬱於皮膚之間宜以輕揚之劑發之升麻葛根湯主之 初熱甚則羌活湯

主之 本條 初發熱時其熱烙手目赤鼻乾唇燥小便

五十四

赤大便秘煩悶不安此表裏俱熱毒氣壅遏宜發表

攻裏雙解散主之初熱初發熱時表不大熱其人煩

躁不安此熱在裏也以三黃丸微利之本條初發熱

時或乘疫癘之氣人參敗毒散主之初熱初發熱時

或為風寒所襲出不快者桂枝葛根湯羌活湯雙解

散去大黃主之三方俱見初熱

中

痘瘡之證其初不免於發熱者未出毒邪在裏煎熬

氣血薰蒸臟腑而然瘡既現形則毒洩而熱解所以

瘡出熱退者瘡本必疎若瘡已出熱不少減此毒蘊

於中其勢方張其瘡必密宜急解其毒連翹升麻湯

見形加防風荆芥穗地骨皮或解毒防風湯大法加

升麻或東垣鼠粘子湯見形兼服代天宣化丸預防

服藥之後瘡或不出或再出其熱頓減者為氣和也

熱若不減瘡漸加多再消詳大小便何如大便不通

七物升麻丸初熱小便不利連翹湯小便不利小大便俱

不通八正散小便不利自利者黃芩湯自利加白頭翁酒

黃連調赤石脂末裏氣和毒解矣如更加渴煩躁不

已或譫妄或腹脹滿氣促或自利不止手足厥冷此

逆證勿治如瘡已出但微發熱不須治之蓋瘡疹

屬火非熱不能成就也以上見形而熱

五言發熱 五言

錢氏云有大熱則當利小便小熱當解毒大熱謂身

熱脉實大小便秘津液燥而渴懼其變生他疾故利

小便入正散通關散大便潤者連翹湯三方俱見導

赤散心加人參麥門冬使心火有所導引則雖不用

冷藥熱亦自滅去矣瘡痘不至熱過不為冷誤甚為

良法小熱解毒之說謂小熱不解大熱必生利其小

便則慮損氣故但可解毒而已甘桔湯咽喉加牛蒡

子荆芥穗以上起發而熱

如瘡漿膿已成毒氣已盡又復發熱者俗呼為乾漿

不須施治

後如結痂之後其熱不退者此邪氣未盡正氣未復熱  
微者不須治之熱甚者當視其虛實

羌活湯

羌活

川芎

防風

山梔子

龍膽草

當歸

各等分

甘草

減半

右剉細加薄荷葉少許淡竹葉水一盞煎七分去

渣溫服無時

加味葛根湯

治痘失表發熱譫語

升麻

葛根

赤芍

甘草

桔梗

柴胡

荆芥

防風

連翹

牛蒡子

木通

右水煎服

如聖湯 治痘已出身熱如火

紫草

升麻

葛根

白芍

甘草

木通

猴梨

各等分加薑一片葱白三莖水煎熟服

心煩加

麥門冬赤茯苓

煩渴加生麻散

七八日身

如火者加酒炒黃芩地骨皮

柴胡麥門冬湯 治痘壯熱經日不退

柴胡

麥門冬

甘草

人參

玄參

龍膽草

右水煎服熱退即止 一方無人參

丹胡宅痘瘡發熱此血少有餘毒也

陳皮

白朮

當歸身

白芍藥 各三錢

牛旁子 研破炒二錢

木通

犀角

生甘草

川芎 各一錢半

右分六貼水盞半煎食稍熱服

活連翹散

治一切熱兼治瘡疹如神

連翹

防風

梔子

甘草

各等分

右為末水煎服

海藏云治熱在外而不厥此少陽藥也

易老云涼膈去大黃芒硝者能解六經中熱此不惟解熱治小兒癰疹熱侯亦使發之則本藥與防風荆

芥二物各半白水煎服

河梔子金花丸

黃芩

黃連

黃蘗

山梔

炒各等分



右爲末滴水丸如豆子大每服五丸白湯下

錢二黃丸 治諸熱

黃芩 半兩 大黃 煨

黃連 各二錢半

右爲細末糊丸菉豆大每服五七丸至十五二十丸食後米飲送下

右錢氏云有小熱者解毒海藏謂解毒者三黃丸金花丸之類是也

四聖散 海藏紫葳木通湯見二方俱

導赤散 心 八正散 小便不利

卅有初起煩躁譫語狂渴引飲若飲水則後來齧不

發熱 卅五 卅六

齊急以涼藥解其標如益元散之類可用

右五方利小便退熱之劑錢氏云有大熱者利小便又云身熱煩渴腹滿而喘大小便澀而赤悶亂大吐此當利小便蓋此用導赤散之類是也

錢宣風散

檳榔 兩箇

陳皮

茸草 各半兩

牽牛 肆兩半生半熟

右為細末三二歲蜜湯調下五分已上一錢食前

易老加防風

通膈丸利上下氣血藥也

大黃


牽牛

木通

各等分

右爲細末滴水丸如粟粒大每服三五十九量兒  
大小虛實加減

右錢氏云有大熱利小便不癢者宜宣風下之



渴

出瘡疹渴者裏熱也蓋三焦者水穀之道路津液者水穀之精華變化流行以灌溉乎三焦也瘡疹之火起之於內銷燬水穀不得以變化津液灌溉臟腑故渴也又瘡本稠密津液外洩化爲膿漿不能滋養真氣亦渴也小渴者常病也不須治之大渴者視其虛實以法治之切不可冷水紅柿梨橘西瓜等物與之恐損脾胃致生災異也

薛前證若二便自調飲

食溫和口渴飲湯手足不熱是爲虛熱不可食生冷之物若二便秘結飲食喜冷口渴飲水手足竝熱是

爲實熱可與冷水飲之凡痘出而熱未止者既出盡則熱自止

如發熱時便大渴者熱在裏也葛根解毒湯主之不止更加黃連以瀉心火之有餘黃檗知母以滋腎水之不足舌潤則生舌如芒刺則死蓋舌乃心之苗少陰之脉榮於舌也如發熱自利而渴者津液不足也黃芩湯加人參白朮麥門冬主之 丹溪云初熱煩躁渴引飲者急以涼藥解其標 錢氏云身熱煩渴腹滿而喘大小便澀而赤悶亂大吐此當利小便不瘥者宣風散下之

葛根解毒湯

葛粉

天花粉

麥門冬

生地黃

升麻各等分

甘草減半

右剉細取糯米泔水一盞煎七分去渣入茅根自然汁一合服之

黃芩湯痘泄利

五苓散驚

宣風散痘發熱

如瘡已出或起發或收靨一向渴不止者人參麥門

冬散主之海藏云若身熱小渴者六味人參麥門

冬散治之如不愈或身熱大渴者七味人參白朮散

治之又不愈十一味木香散

人參麥門冬散

麥門冬

葛粉各錢

人參

甘草

升麻

白朮各壹錢

右剉細加粳米一合淡竹葉七片水一盞煎米熟

去查溫服

六味人參麥門冬散

麥門冬去心壹兩

人參去蘆

甘草炙

陳皮

白朮

厚朴薑製各半兩

右咬咀每服三錢水一盞煎至六分去查溫服虛



人減厚朴

龐氏地黃膏 見形

退火回生散 治痘血熱枯澀發渴

滑石

辰砂 各壹錢

冰片 叁釐

右爲細末冷水調服一分睡片時必轉紅活矣

如能食而渴者肺熱也經曰心移熱於肺傳爲膈消  
由心火上炎乘於肺金熏蒸焦膈傳耗津液故渴也

治在上焦人參白虎湯加黃連主之

人參白虎湯 又名化癍湯

人參

甘草 各壹錢

知母 叁錢

壹錢湯

切料互

六上

石膏 伍錢

粳米 壹合

右剉細水二盞煎待米熟去查温服無時

竹葉石膏湯 治痘瘡表裏俱虛胸中煩悶小便赤

澀多渴成赤癍點者又宜服犀角散

石膏

知母 各貳兩

麥門冬

甘草 各壹兩

右剉散每三錢水一盞淡竹葉一握煎半盞温

服不拘

冬

頰身土尋及痂後餘熱

日菊

赤芍藥

赤茯苓

升麻 各壹錢

甘草 伍分

石膏 叁錢

右用水煎服

如不能食而渴者脾虛也叔和云口乾饒飲水多食亦饑虛由脾素弱不能為胃行其津液故渴也治在中焦參苓白朮散主之

人參白朮散

又名參苓白朮散

人參

白朮

藿香

木香

甘草

白茯苓

各壹錢

乾葛 貳錢

右剉細加生薑一片水一盞煎七分去渣溫服無

時

丹陳十妹年廿歲出痘而有孕七箇半月大渴不甚  
出透寒熱交作血虛氣虛

人參

白朮

黃耆

陳皮

甘草

當歸身

各壹錢

薑三片酒水各半盞煎服

自利而渴輕則人參白朮散甚則陳氏木香散自利

而渴者邪傳腎也正理論云自利而渴者屬少陰虛

故引水自救蓋腎主五液其麻絛於肺繫舌本邪傳

於腎則開闔不司故自利利則津液下走腎水乾不能上潤於舌故大渴也治在下焦宜溫之陳氏異攻散主之快出不

面白腹脹自利而渴者陳氏十一味木香散主之

文中云腹脹渴者瀉渴者足指冷渴者驚悸渴者身

溫渴者身熱面皤白色渴者寒戰渴不止者氣急咬

牙渴者飲水轉水瀉不已者已上九證即非熱也乃

津液少脾胃肌肉虛故也宜木香散治之如不愈更

加丁香官桂此說必加審用之脹渴瀉渴驚悸渴寒戰渴咬牙渴亦多屬熱者不可不察

如渴而大便秘者宜利之四順清涼飲主之熱海

藏云瘡疹大腸閉澀或發熱四君子加瓜蒌根桔梗  
主之

痘子稠密津液少者十全大補湯

生脉散 止煩渴首尾通用

人參

五味子

麥門冬

水煎當茶飲

神功散 治痘作渴

人參

黃耆

甘草

牛蒡子

紅花

生地黃

前胡

紫草

白芍藥

右水煎服

紅花湯 治同上

紅花或子隨意煎湯飲其渴卽止縱口中如烟飲之卽止 加牛蒡子尤妙

清

文

三



煩躁

萬煩者擾擾而煩躁者憤躁之躁合而言之煩躁皆熱也析而分之煩陽也熱之輕者躁陰也熱之甚者難知集曰火入於肺煩也火入於腎躁也瘡疹煩躁須宜忌之若吐利厥逆腹脹喘促而煩躁者昏不知人譫妄狂擾而煩躁者謂之悶亂皆不治之證凡痘瘡出不快發不透曆不齊有煩躁者此有二證如面黃大便色黑煩躁喘渴或如狂或喜忘腹脹或痛此爲有瘀血在裏也宜當歸丸痘便或四順清涼飲發熱竝加桃仁泥紅花甚者桃仁承氣湯主之失血

如便血下黑糞而又睡不醒心為血之主睡不醒則

心之神昏矣玄參地黃湯失血加木通麥門冬若無

面黃尿黑如狂喜忘之證只大便不通煩躁腹脹者

此有燥屎也此却真狂譫妄以三黃丸四順清涼飲

俱發熱三乙承氣湯當歸丸膽導法俱便看病輕重擇

而用之如偏執不可下之說以致陷伏而死者醫之

咎也薛東垣云火入於心則煩入於腎則躁皆心

火為之蓋火旺則金爍水虧故心腎合而為躁宜用

梔子豆豉湯凡痘瘡盛作之時必令心火有所導引

苟或毒氣出而未盡遂生煩躁以生黑豆煎湯或生

犀磨汁飲之亦可若津液不足虛煩不得卧者活人  
酸棗仁湯此證多因脾胃氣虛或服剋伐之劑所致  
但當調補中氣爲善

**萬**如肺熱而煩者坐卧不安審於何時若初發熱便  
煩者此毒火內鬱人參白虎湯發熱加梔子仁主之

若瘡發見猶煩者此毒伏於內未盡出也消毒飲見  
形奪命丹起發合而服之若瘡出盡又已起發猶煩

者此內熱也牛黃清心丸主之如腎熱而躁者必

曾自利輕則陳氏木香散瀉甚則陳氏異攻散見形

主之如揚手擲足欲去衣被者此熱甚於表也羌

活湯主之瀉青丸去大黃加甘草 如神識昏迷反

覆顛倒者此熱甚於裏也導赤散 心 牛黃清心丸合

而治之 吐利不食而煩躁者正氣虛也陳氏木香

散主之 如晝日煩躁夜則安靜者此陽盛於晝至

夜則陽氣退而安靜也人參白虎湯加梔子仁主之

如晝日明了夜則煩躁者此陽陷入於陰夜則陰

盛陰陽交爭故煩躁也四物湯加梔子仁主之

活人酸棗仁湯 治痘疹虛煩驚悸不得眠

酸棗仁 炒

甘草 炙

知母 炒

白茯苓

麥門冬 去心

川芎

乾薑炒各參分

右水煎温服兒大倍之

梔子豆豉湯

山梔肆箇

豆豉半兩

右水二盞先煮梔子一盞內豆豉煎至七分去滓

温服得快吐即止

黃連解毒湯 治發癰熱甚心煩不得眠

黃連

黃芩

黃檗

山梔各等分

右每服四錢水二鍾煎五分温服 若癰毒甚者

加青黛壹錢調入湯內服之

凡脉弦數內外熱

甚譫語者合小柴胡湯主之

若脉洪數內外熱

甚舌燥煩渴者合化癍湯主之

牛黃清心丸

黃連

伍錢生

黃芩

山梔仁

各叁錢

鬱金

貳錢

辰砂

壹錢半

牛黃

貳分半

共研細末臘雪調麩糊丸如黍米大每服七八丸

燈心湯送下

人參蟬蛻散

治小便不利痘瘡不發煩躁作渴咬

牙喘滿

人參

蟬蛻

白芍藥

木通

赤茯苓

甘草

紫草茸

右每服三四錢水煎

人參竹葉湯 治虛煩不得寐或兼自汗

人參

竹葉


甘草 各貳錢

半夏 貳錢五分

小麥

麥門冬 各壹錢五分

右每服二三錢薑二片粳米一撮水煎服





# 譫妄

譫多言也。妄虛妄也。譫妄者，妄有聞見而語言無倫也。皆邪氣熾盛，正氣虛弱，神識不清之所致。夫言爲心聲，心熱則多言，睡中呢喃者，熱之微也。寤而語言差謬，熱則甚矣。亦有胃熱而譫語者，大便秘，數日不更衣，方是。

**薛陳文宿**先生云：痘紫色頂陷，心煩狂躁，氣喘妄語，或如見鬼神，內熱便秘者，宜用龍腦膏子豬尾膏，如無內熱，大便不實，不可輕服。竊謂前證多因初起熱盛之時，失於解利所致。亦有因痘毒未盡，有因胃經有熱，有因肺胃有熱，有因心脾有熱。

煩躁痘裂出血便血衄血屎黑痕赤詳見各證大凡  
作渴發熱手足指冷或大便秘結者內有熱也切不可  
禁其飲水觀張子和述水中兒事良可驗矣蓋熱  
極故得水而生也 一小兒痘疹狂喘熱渴飲冷痰  
涎不利先君用十六味清膈飲犀角地黃湯而痊  
一小兒出痘發狂作渴飲冷此上焦熱熾也用黃連  
解毒湯芹菜汁而止又用紫草快癩湯將靨因間藥  
餌二日色黑倒靨用紫草散渴止又用人參白朮散  
而痊 一小兒痘愈後時發狂兼喘發過面色黃白  
手足並冷此脾胃虛弱也余用補中八珍二湯各三

十餘劑或云當先降火邪而後補元氣乃服芩連杜  
硝之類汗吐不止而歿

初

初發熱便妄有所見聞妄言如見鬼狀此爲惡候蓋  
毒攻於裏心志昏惑神識不清而然况小兒神氣怯  
弱鬼魅易侵又厲鬼常乘疫氣而行乘人之虛而疰  
之故凡痘疹妄見妄聞妄言如見鬼者不可治也須  
審發於何藏如目直視手尋衣領亂捻物此發於肝  
爲亡魂悶亂喘促手拍眉目鼻面此發於肺爲亡魄  
上竄咬牙多叫哭驚悸或不能言此發於心爲喪神  
困睡手足痠痿不思飲食此發於脾爲失意目無精

光畏明欲墜下而縮身此發於腎為失志故曰真藏

見者不治 或發熱時無此證因大便秘結却有之

此內熱也先以宣風散發熱解利其熱後以導赤散

心送下牛黃清心丸驚或粉紅丸驚以鎮其神病已

者可治連作不已者勿治 如胃中有燥屎三五日

未更衣者宜滌腸解毒宜四順清涼飲三黃丸俱發熱

主之 如初發熱狂亂大便自調者五苓散加辰砂

主之大便秘者輕則三黃丸甚則承氣湯主之

如起發成漿欲磨之時忽然神昏譫語者此由瘡本

稠密精血外耗不能養神宜養血瀉火安神丸主之

安神丸

黃連

當歸身

麥門冬

白茯苓

甘草 各半兩

朱砂 壹兩

龍腦 貳分半

右為末湯浸蒸餅和獾豬心血搗勻丸如黍米大

每服十九燈心湯下

梔子仁湯 煩躁譫語驚狂發癩

梔子仁

黃芩

石膏 各貳錢

知母

杏仁 各壹錢半

大青

柴胡

豆豉

赤芍藥 各壹錢

升麻 捌分

甘草 伍分

右水煎服

如昏不知人語言無倫者死經曰衣被不斂言語不  
避親疎者神明之亂也故不可治 如初發熱便妄  
有聞見狀如見鬼而恐怖者不治此證自始至終皆  
不可有乃神志俱喪軀殼徒存不過引日而已